

容

齋

詩

集

容叅詩集卷十七

綿上茹綸常文靜

秦樹集

漢槐近在東郊爲往來通衢過者無不見之  
次則介林之栢連延十里不可數計然以介  
祠所在亦率多遊覽惟秦栢僻在南原去城  
三十餘里邑人尚有未知者癸巳遊綿欲往  
未果每勞寔寐戊戌秋七月呂蘭浦明府邀  
遊介林九月復邀遊綿山歸遂紆道往觀神  
情肅穆古貌輪囷不可名狀真數千年物也

蘭浦明府賦詩繪圖予亦屢形之吟咏而卒  
未能大有所表著秦樹村者向以秦栢得名  
予取之名集固欲闡幽顯隱而亦以慨好事  
之無人也

對雪

一冬雨雪少飄灑及春回剪水初飛絮迎風乍落  
梅病愁銀海眩醉任玉山頽爲問郇枚輩誰堪作  
賦才

雪不止

急雪連朝好真看兆歲豐暖應滋麥隴高未沒牛

官小盞新醅綠深鑪宿火紅獨愁當病榻吟望怯  
春風

元夕口占

年華人思兩難憑令節那禁白髮增覓句我方耽  
寂寞踏歌詀最羨飛騰馬蹄雪霽千門月鰲背風  
搖九陌燈却笑養瘡兼病渴閒庭也復倚孤藤

友聲詩集予以病不獲赴曉園因招兒子  
戲作却寄

已拚焚硯似君苗伏枕惟應羨化尻却笑城西李  
別駕又教此事到兒曹

齋中水仙盛開患瘡未愈口號戲簡西郊  
翠羽凌波濯濯新數窠春意正橫陳知君最美劉  
公幹伏枕猶能看洛神

春日雜詩六首分得蒸韻

友聲十三集

園花巷柳興堪乘伏枕空嗟白髮增眼底風光誰  
管領孔昇翁外只韓憑

日食惟堪飯一升  
瘳人春思杳難憑  
閒來貪看兒童戲  
頗怪風鳶速上騰

兀兀烏皮几且凭  
清宵常伴讀書燈  
藉非何肉周妻累  
已是深山罷講僧

別裁騷壇幾代興  
未應宮體笑徐陵  
平生不捨西  
崑崙也有閒情寄剡藤

漫說駐顏無大藥  
何嘗繫日有長繩  
年來決計同  
籬鷄肯羨扶搖九萬鵬

不耐春風太瘦生  
扶頭郊酒醉曹騰  
誰能更效柴  
桑叟流水桃花記武陵

分得青韻

助

爭妍桃李費調停  
消遣春光有醖醞  
醉卧草堂  
慵未起無端紫燕語春遲

遲日郊原好踏青  
柳絲花萼並婷婷  
石家步幃

休携取愛看青山列畫屏

竹杖芒鞋到處經何勞鶯語太丁寧呼童料理

遊春具重碧先酤酒滿瓶

世事還如春夢醒漫將書劍付吳船

余時將卽南遊

今折柳離亭日贈別何人眼最青

送高四南遊

我夢江南好先鞭獨羨君逢春人易感送別酒難  
醺遠水吳帆杳晴雲越樹分落花與飛絮到日正  
紛紛

咏史樂府分用漁洋山人原題五首

友聲十四

集

殺田豐

事不諧問文開本初拒諫寧非愚况其言已驗殺  
之更何辜嗚呼彼逢紀者無足責別駕之死誠可  
惜

青頭雞

青頭雞青頭雞懼不敢發事可知誰能更誅昭與  
師伊尹放太甲霍光廢昌邑高貴鄉公又爰立

龐娥親

壽勿喜安勿悲父仇無不報何必定男兒君不見



都亭白日仇橫屍至今酒泉人猶說龐娥親

孫仲謀

黃金車斑闌耳闔昌門出天子夢中腸出破虜生  
鏡中妖現討逆死生子當如孫仲謀景升兒子何  
足齒

鍾會母

賜白帽作白棓挾術難保毓已知惜哉昌蒲智未  
聞預爲危遂令敏慧兒竟斃於鷄鷄

卿曹拜

大廩

丈夫仕不遂破產聊遊戲涼州產蒲桃還如所

遺置何人謁見徒勞勞不辭迎拜求卿曹

佳興園雜咏十首爲蘭谷賦

友聲十五集

香林橋

清芬掠春流濛濛疑無路  
蛺蝶忽飛來蜻蜓復飛  
去愛茲略約橫乃入花深處

竹波亭

結亭修竹林似理烟中舫  
清風響颺翠碧波影搖  
漾誰和輞川詩佳名繼柳浪

星帶草堂

織月墮西巖踈寮耿羣宿  
况多素心人卜夜快良

觀坐看河漢橫清吟轉蓮漏

于喁池

聊復鑿斯池安用知魚樂于于與喁喁在藻亦紛  
若更吹落絮行時時看漁滑

抱朴山房

美服人共指美名世爭毀高枕夢羲皇山房聊自  
喜遊德與棲真吾聞抱朴于

延綠閣

排闥來山光開簾延柳色風雨蝕堦堦莓苔紛如  
織底須驅軟紅坐使塵慮息

挹香榭

春風散園林頗疑蘭蕙臭不辨來何從氤氳溢襟袖多事博山煙小榭闕清晝

荷渚

田田媚淪漣漠漠渚花嫋最愛夏日長常恐秋風早好語采蓮人莫待紅衣老

菊畦

種菊菊滿畦抱甕學老圃秋來菊有芳采擷愛寒嫵高咏淵明詩閒檢石湖譜

朝爽臺

蒼蒼石氣青恰當天宇朗東旭揚清暉西山薦朝  
爽固應拄笏人層臺時獨上

香林橋

聖詔

潺湲橋下水繚繞橋邊樹春時花滿林濛濛散  
芳霧我本憐香人支笻竟忘去

言息廬雜咏分得樓拂友聲十六集

長夏饒蠅蚋驅除藉爾頻好同蕉葉扇恰稱竹皮  
巾陋質難諧俗清談解悞人涼秋嗟競棄義在爲  
誰陳

得沉香硯山

本榮

沉水爲山好峰巒儼畫圖不從爐火燼常與硯  
池俱淨几聞香否閒雲出岫無徐陵架筆具應  
尚有珊瑚

蘭谷曉園屢折花見貽率賦二首奉謝

曲木几供白芍藥扁磁瓶插紅薔薇晚涼更得南  
風好故引清芬到枕幃

名花有若蕙蘭馥國色無如邢尹妍忽憶軟紅京

邸客

謂芝田

白頭輸我對嬋娟

分題晚唐人詩集得飛卿金萱集

友聲十  
七集

披卷閒吟播摺詞就中風骨幾人知澆花流麗香

名臣言行錄卷之十一  
一  
一  
奩媚誰與金萱門色絲

得玉溪生集

日普

錦瑟由來著解難八叉綺麗豈能先石林長孺  
工摸索安在無人作鄭箋

得天隨子集

堦

潦倒江湖竟陸沉松陵唱和有同心更將漁具  
殷勤咏惆悵無人繼好音

得韓冬郎集

泰初

鳳蠟燒殘未忍看香奩詩格獨登壇後人莫便  
輕訾議細膩風光正自難

蘭谷以薔薇花露一器見餉及啟繼餘瀝  
數滴而已賦此却寄

擬障元規塵頗抱相如病清簟夢南園薔薇正繁  
競主人解鍊花沆瀣出釜甌朝來忽念我一器欣  
分贈厥味應獨甘其芬或轉勝承愁金莖寒注愛  
玉壺淨遂欲試旗槍風鑪引佳興詎謂滴瀝餘已  
同酒瓶罄不無傾潑疑幸有滲漏証平生得失端  
意外誰能偵卽事成一笑憮然發孤詠

謝松畹惠桂樹

天香蟾窟杳難攀愛讀淮南招隱篇他日秋風一



披拂同君重證木樨禪

漢槐同西郊作

瞻烏千載劇生哀有道芳阡鬱古槐  
羨爾長年知漢臘憑誰浩劫辨秦灰  
風高彭澤先生柳人重孤山處士梅  
最是支離更神勝兔葵燕麥共徘徊

一畝園雜咏十首爲麓谿賦 友聲十八集

劍虹齋

劍氣占霄漢吾聞晉司空高齋一拂拭  
何怪成長虹

說詩軒

素心時一來軒窓愛清迥說詩能解頤何須定匡  
門

言志山房

學古亦有年中懷茹復吐惜世無孔子誰與証淵  
路

漱芳亭

雲亭詎蕭條鄰架還津逮漱彼六藝芳自堪垂奕  
世

半舫

我欲溯洄從伊人正宛在當年非水舟於茲識梗

概君祖深山先生曾於白登  
山下築書屋顏曰非水舟

擬山

流水本無心青山聊措意何如潑墨人峰巒成擬  
議

一層樓

閒村接翠微縱目神逾王千里未易窮此間可更  
上

映旭廊

花竹露未晞秀野紛在目小立與徘徊修廊上初  
旭

翁孫石

老蒼何離立細瑣還附贅檻外竹翁孫清風差可配

汲引泉

鑿深聊供汲所願在盈科注茲以滄彼抱甕當如何

雨後晚歸

雨歇南原路歸雲擁別邨乘時農事亟落日鳥聲喧柳陌侵泥淖蓮塘漲水痕未妨騎款段衝黑到柴門

晚眺

南浦收殘雨東臯趁晚晴  
烟昏深樹暝日落亂霞  
明邨舍儼鱗次原田如砥平  
買山猶未得臨眺獨  
含情

立秋前二日卽事

百年心事幾推移把酒惟堪與醉期  
閒咏恰當人去後好風常在雨來時  
齊蟬嘒嘒鳴秋早莊蝶遽遽入夢遲  
却憶三家邨外路藕花無數正紛披

東郊卽目

疎柳高槐散碧陰秋風又送亂蟬吟  
嘉禾重穎連

千頃好雨如膏抵萬金  
邨市誰因賒酒至  
僧房我擬杖藜尋  
歸途隨意耽流水  
愛看前峰暮色侵

南邨園卽事二首

踈簾清簟正堪誇  
向午微嫌溽暑加  
遮莫一枰耽坐隱  
漫空風雨落槐花

到手深杯綠蟻空  
草堂香散芰荷風  
新涼纏罷瀟瀟雨  
又看長天挂晚虹

再集南邨園西郊不至用前韻奉簡

虛亭閒敞古蘿陰  
感舊重爲擁鼻吟

昨歲初秋曉園招賞荷花

余有詩紀事

淥水高荷初過雨  
新秋溽暑尚流金  
酒人

燕市勞深憶

芝田時遊都下

詩老城隅阻遠尋獨我頻來

耽野興芒鞋那畏潦泥侵

初秋集金魚溝修真庵送竹泉南遊分得

燕字二首

友聲十九集

琳宇暑新徂巖阿暗碧燕開樽傾綠蟻共客唱驪  
駒星野遙看斗秋風漸入吳倘逢遊興劇更泛莫

愁湖

老作南州客歡場聊與娛如花看越女對酒聽吳  
飲風勁要離豕烟橫賀監湖何時理歸櫂莫使故

園燕

重送竹泉用留別韻

別路收殘雨多君汗漫遊林  
舉秋色遠衣袂酒痕留吳苑  
饒吟興江帆散旅愁閨中休  
悵望原不覓封侯

秋日靜觀園卽事分韻

得山字友聲二十集

鄉里浮沈鬢已斑芳園文讌又追攀  
徑迴綠壓千叢竹墻缺青分四面山  
蝕雨苔痕侵屐滑當杯人意入秋閒  
日斜何處樵歌起愛看投林倦鳥還

得風字

聖訓

南園先子幽居地雅集新秋復此中  
老爰登臨



尋舊跡

西郊先生爲先君老夏

羣賢題咏仰高風曝書臺

榭今猶在浣筆池塘久已空却喜家聲差不墜

白頭歲月感匆匆

得雷字

聖詔

律變商飈暑已回滿園秋色逐人來新涼爽氣

浮高樹舊館幽陰長綠苔花際翩翩飛戲蝶林

端隱隱轉輕雷眷言往事空惆悵不覺巖城畫

角摧

秋日碩亭明府邀遊介林二首

路迴林麓接峯峩覽勝追陪仙令過懷古深杯清

興劇連空喬木夕陽多  
霸圖往蹟餘豐草忌坂秋  
風老綠蘿我醉登臨發  
長嘯龍蛇誰代昔人歌  
介公祠宇鬱陰幽十里  
依然栝栢稠耳畔溪聲寒  
帶雨眼前山色淡逢秋  
已應授璧羞狐偃詎有圖  
勞怨魏犇最是年年作  
寒食餘風禁火至今留

同賦

日普

欣從遊賞得追陪  
邨落爭傳仙令來  
幾曲清流隨處好  
千峰曉色望中開  
只今禁火悲寒食  
終古綿田認劫灰  
最是焚餘松栢在  
幽祠常隱白雲隈

宿廻鑿寺用洪午塘司馬韻

息軫孤邨迥蕭蕭屐齒幽人來當九日龍去已千  
秋山色橫僧舍溪聲繞寺樓五年重回憶惆悵白

盈頭

癸巳借友人  
遊綿山過此

九日同洪午塘司馬呂蘭浦邑侯施硯農

少尹奚春園山長侯壽愷李曉園張徽五

遊綿山紀事四首

重陽風景殊登高發佳興况值司馬賢招邀有仙  
令我曹欣追陪遂共探幽勝行行過忌坂溪聲時  
入聽遙瞻楓葉紅仰視天宇淨甫及介山麓荒邨

日已曠稅駕古招提寂寥踏莎徑彌勒許同龕妙  
義誰堪證夜闌耿不寐悵然寄孤咏

鐘聲百八罷籃輿趁朝爽近山漸崎嶇峩峩起千  
丈盤空路欲窮舍輿時任杖中懷旣愜怯回觀益  
蒼莽迨入望峰門懸嵯散疏響石乳幾附贅蜂房  
或比仿晴空急雨飛碧溜紫苔長小憩沁心骨頓  
遺塵世想好携桑宁書品泉愜幽賞

住旣愛清冷行將窮蔚蒼斷嵯突怪石古木生蕭  
籟出險漸卽夷羣峰得交會精藍寄其中信爲一  
山最遂令登頓勞至茲始一快誰能買餘勇更踏

大岩背

抱腹呼為大岩

俗名

鐵瓦

寺名

與銀空

洞名

聞幽悵未逮

迢迢憶前遊坐來發深慨且醉茱萸酒陶然絕挂

礙

三日下雲壑嵐氣被巾屨言歸問秦栢蕭寺遠相  
赴入門勢擢孳恍疑乖龍怒蒼茫歷人代突兀飽  
霜露時與耕牧狎那希軒冕顧元精不外蕩蟠根  
金石固固知非常物鬼神為呵護欲去幾遲留偶  
來欣所遇回看綿上峰亂烟橫薄暮

再宿廻鑿寺午塘司馬有作因更奉和

尚有登高興招提又共過詩篇驚卓犖石火記銷

須澆世情翻覆由來有吾將老矣營糟耶犯耶過  
申誰復愁室內喜無伯倫婦道旁可共幾卿騶  
堯舜千鍾孔百觚而我不樂何爲乎感茲就衰斑  
斑鬢憶昔未有髣髴鬢鬢白何時得返黑牀頭金  
盡無顏色勸君好作醉鄉遊日飲無何計亦得

和陶有會而作

並序友聲二十四集

歲云暮矣穀價翔踊食指繁衆仰給於市旣用  
自虞行念鄉邑慨然有會遂和陶作

縑絲恒若寒力田恒苦饑况茲值荒歉誰能食糠  
肥淒厲歲云暮詎獨嘆無衣嗷嗷有菜色觸目誠

堪悲嗟來謝亦可蹴爾與應非寄言擁貲人桑梓  
無棄遺貧富何異軌賢愚會同歸遐哉帶索叟三  
樂其吾師

容齋詩集卷十七

容齋詩集卷十八

綿上茹綸常文靜

歸與集

已巳孟夏緣家事中落隨外舅素菴先生之  
都門將赴江西方伯幕中異稍分潤旣以先  
生內擢憲部遂垂橐歸息影蓬門無意遠遊  
矣而先生亦竟於是年臘月歿因合道途詩  
及終歲所作爲一卷曰歸歟集

春歸

白髮已如此驚心春又歸漫空飛絮亂竟日落花



稀人世宜行樂吾生欲息機底堪同瘦沈猶着木  
綿衣

芹泉道中呈外舅素菴先生

甘載芹泉路崎嶇復此行地猶傳石艾山盡拱  
神京容袂緇塵澆鄉愁白髮生從教啜觸暑翻喜  
近水清

平定

日落山城見清時罷守陴風烟生莽蒼關勢接嶽  
崎馬首平潭驛河干姪女祠六賢堂在否更擬問  
遺基

井陘

驅馬井陘口羣峰路屈盤論兵懷廣武空壁笑成  
安地更臨關險行同入蜀難時平銷戰伐直作坦  
途看

夜渡滹沱河失道至正定示旅宿諸君子

朝發土門關夜渡滹沱水已憐僕馬疲况當月魄  
死求火過前邨失道落蒼耳所幸胥吏候重城到  
逾邇

時正定宰緣同外舅素  
菴先生行遣役迎候

入門昏不辨冒昧得

屏止諸君笑且諱子行真憊矣予聞但唯唯清樽  
促浮蟻平生輪捷足蹇滯多類此回憶孤舟橫儻

恍猶未已

上谷道中

易水經過日郎山入望時  
臺從求駿始筑爲和歌  
悲地勢援幽薊天文隸尾箕  
行行畿輔近勝概  
問蓮池

將從都門之江右不果爰有歸志感而有  
作

誰借風帆下豫章金臺重過感茫茫  
已憐白髮交遊少尚恐青山笑客忙  
體半黠癡終忤俗胸多壘塊漫銜觴  
依人至竟非長策好袖輕鞭返故鄉

范怡園員外座中送梁恒齋司馬左遷之  
越時予亦將北歸

意外重相見鬚眉各老蒼我思旋故里君悵蹟名  
場疋馬燕山險孤舟越水長離筵一分手前路總  
茫茫

強重菴招同王仲乾檢討閩墨園主政寓  
齋小集

愛爾官閒好高齋最絕塵接譚兼二妙速客只三  
人地近丹霄迥杯傾綠蟻新那堪歸興劇留滯已  
兼旬

積雨初霽望西山

三度京華住西山阻幽探山靈故應笑念之心懷  
慙維時當溽暑積雨陽烏潛街泥深沒屐閉戶如  
眠蠶朝來忽開霽暖翠浮層嵐樹色濃與接天光  
澹相參媼娥具娟好窈窕勞遐瞻中間饒勝概玉  
泉兼龍潭滙爲裂帛湖風景尤堪耽營構侈慈氏  
比櫛皆精藍惜哉碧雲寺衣冠瘞魏闕迄今雖剝  
削吾意猶未怵茫茫景皇陵往事嗟忠諫抑有耶  
律賢石壁留鐫劓緬懷金元來遊人幾停驂世代  
遞遷更山水猶迴舍何當真杖策十日窮雲巖

出阜城門卽目

蹇驢纏出國西門擬問門頭舊日邨  
海澱前途勞遠目更無人說米家園

清華園址已全迷水鳥沙禽接稻畦  
最好西勾橋上路西山更在甕山西

都門寓舍書懷寄兒輩

時外舅以江西方伯擢少司寇故有

彈冠句

舊業青山在新吟白髮看夢回聊隱几  
客到盡彈冠與物還多忤  
依人始覺難歸歎憑寄語未用憶  
長安

張素堂兵部招飲寓齊聽歌賦此誌別

漫勞絃管侑離觴一曲清歌夜未央出處豈云無

異撰笑談且喜有同鄉

時與座者皆同鄉故舊

昨傳新漲蘆

溝水明發重過料石岡他日故園回首處應教授  
轄憶京坊

出都門

潦倒旗亭濁酒盃西山萬笏鬱崔嵬此行萍梗真  
無謂悔跨征鞍草草來

踏歌那復見汪倫腰扇難遮西日塵獨愛廣寧門  
外柳尚垂青眼送歸人

蘆溝橋

餅壚酒店又逡巡來去匆匆只四旬惆悵蘆溝橋  
下水廿年曾照黑頭人

范陽旅次

六月炎塵失山光獨鹿青鳥吟泥滑滑水氣晝冥  
冥懷古樓桑里停驂督亢亭胡良河上望擬問道  
元經

良鄉道中

望中柳色綠差差倦客驅車又一時大石報書思  
仲詔殘碑聚訟記雲麾晨餐且試防風餅村店還



浮錯水厄回首廿年經過地不堪彈指鬢成絲

過保定懷故安州刺史帷園

伏雨闌風散鬱蒸名都懷古興堪乘  
鞭遙指前林外猶憶詩人刺武興

堯母陵

聖母棲神處靈風湧殿廬篤生開帝極推本闕虞  
書幔儼黃雲覆堦疑瑞莢舒三阿古誕降猶憶發  
祥初

易水懷古

燕市酒徒投袂起西入強秦自茲始當時送者自

衣冠至今蕭蕭悲易水  
疑聞變徵聲士皆瞑  
目髮上指夫人七首  
將軍頭乃令輿圖奉  
豎子左手把袖右撻  
胸惜哉不得祖龍死  
嗚呼荆卿劍術固云  
踈漸離之筑詎可已  
君不見博浪沙椎亦  
如此

渡潯沱

中山觸暑又經過  
麥飯亭荒感慨多  
底事勞勞還自笑  
漫天風雨渡潯沱

真定道中

又促征鞍趁晚晴  
天寧高閣望崢嶸  
河聲近接東

垣路山色遙連石首城下士只今聞趙勝著書終  
古有荀卿 清時人物鳴珂盛文采蕉林獨擅聲

雨後度南天門

萬壑爭流響疾雷南來山勢鬱崔嵬一時雨洗空  
青現真見天門詭蕩開

同戈驛

黃酒同戈驛閒吟涂水濱無端結暹緒猶憶枕流  
人

夏杪歸自都門西郊綠病阻晤久未獲痊  
賦此奉懷

停雲漫賦感離羣回首論文幾故人觸暑我纒歸  
匝月入秋君又病兼旬蕭條舊雨清樽在落拓羈  
愁白髮新聞說從遊今已盡時以病謝去諸及門老來誰念  
子雲貧

謝蘭浦明府惠馬

五陵漫自詡斑駁從此看花免借騎唐肆我方求  
款段龍媒君許惠權奇風塵詎乏空羣顧芻秣常  
懷伏櫪思最是年來筋力愆每當噴玉怯新羈

秋日簡諸同志

西郊

風雨瀟瀟晝掩門，舊遊零落幾人存。  
如君莫恨衰遲甚，老我而今亦抱孫。

時舉孫女

蘭谷

令孫才調堪繩武，乃祖風徽貽厥謀。  
最是老來能好事，一隅聞又卜菟裘。

君新築園曰一隅

竹泉

廿載閒吟愛友生，冷杯殘炙漫關情。  
知君小病耽孤寂，臥聽瀟瀟暮雨聲。

麓谿

春風猶憶着先鞭，君前有中川之役  
倦翮秋來我亦還。太

息詞人星散盡說詩軒下已經年

曉園

久擬京華踏軟塵南邨別墅慣留宿卽今風雨重  
陽近好與黃花作主人

改渠

老爲麴蘖不舞羞憶從文字識魚頭新來喜近談  
經舍好共醇醪泛瓦甌

時君設帳梁氏  
與予居最近

松碗

髮白何妨更十分憑誰樽酒記論文輸他瀟灑城  
西客浣筆時時寫墨君

君近頗  
耽寫竹

思白

家風第一謫仙才介壽筵看此日開

時屆葵軒恰  
先生壽期恰

值天香雲外好祈君攀折一枝回

君方膺  
秋試

芝田

汗漫空憐別思賒雪衣又擬向天涯

君連歲奔走  
未有定居近

以母喪  
寓舅氏

蓼莪詩廢青氈在宅相他年記外家

病中用韻酬容全

大廡

枕昏久閉病居門過去將來惱裏魂欣接佳堂  
引麟信那能親往賀文孫

酬容全秋日見寄之作

魯習之 畋渠

木樨香裏賦閒居文字追從得所於最喜松窓  
聯舊雨好期晨夕一過予

巳亥初度

搖落逢初度言過得友生街頭泥正滑缸面酒堪  
傾老覺童心減詩從俗客輕年年籬下菊相對總  
關情

秋夜懷白文軒內弟廣陵

清宵白髮劇生愁廿四橋邊憶遠遊衰柳寒鴉汾  
曲雨斷雲殘靄海門秋飛揚君意輕騎鶴潦倒吾  
生擬儂牛昨寄一函曾問訊雪衣何日理歸舟  
時君



以毋喪  
寓維揚

秋郊

攬轡秋郊外村春下夕陽霜酣楓半赤雨冷菊新  
黃古木迴鴉陣遙天杳雁行生多搖落感對此益  
茫茫

訪菊

誰餉登高酒一樽就荒三徑菊猶存飄蕭霜鬢驚  
時序爛熳秋容役夢魂羸馬小奚閒背郭栖鴉流  
水淡依邨相逢踪踪休相問只在張園與李園

邨佳興  
兩園也

謂南

坐菜

老圃踈籬菊又芳  
風光難得是重陽  
衝泥每策看花騎  
對雨思開款客觴  
豈有高吟追李杜  
漫將舊侶問山王  
年來世味嘗差遍  
不抵持螯逸興長

九日以籬菊樽酒分餉劉謙齋山長枉詩

見贈用韻奉酌

俗情競腥羶  
高懷輕組綬  
平生所不能  
蠅營與狗苟  
遊燕垂橐歸  
依然笑株守  
獨欣搖落晨  
未負持螯手  
菊發去年叢  
樽傾新漉酒  
因念鱸堂人  
撥贈趣下走  
抑有覆瓿物

時以拙集呈正

佐君開笑口  
何圖相

報速清詞似瓊玖况聞家昆陵人文稱淵藪再種  
河陽花遂栽彭澤柳河汾擁臯比諸生仰山斗頌  
我慚樗材耽吟成白首野性老未馴狂言時被肘  
遠謝餐英客近希荷鍾叟何當更登高共君作重

九

重陽後五日曉園擁書軒落成招集諸同

人看菊

年年高會促清卮新闢軒窓又一時萬卷牙籤憑  
點勘千枝籬菊正紛披摘盈把坐陶元亮插滿頭  
歸杜牧之遮莫夜闌更投轄醉圍紅燭共題詩

擁書軒郎事

南軒北軒羅修檐徑開蔣詡籬陶潛好事何如海  
岳庵葦牀茶竈還沾沾架擁萬卷意未忼擬搜秘  
笈排芸籤時過重九菊正酣速客促坐勞烹燻有  
花有酒慰老饕底須纖手傳黃柑幾人作遠能雄  
談藏鈎戰拇時相參更有數子殊清恬狂奴故態  
疑憎嫌彩毫壁上同拈舉頭早見懸涼瞻人生  
及時樂且湛勿徒齷齪爲貪婪君毋端居歲月淹  
頽我白髮心懷慚菟裘他日南山南一甌借書窮  
搜探

立冬後三日政渠招集書館有詩見貽次

韻奉酬

彈指光陰悵別離故園誰復溯新知當君陟岷江

南日正我衝泥蘄北時秋水愁聞魚大上

時中州甚罹河

患冬宵喜與酒相宜高吟絳帳風流甚那似闌干

首藉詩

送劉謙齋山長歸毘陵

握手論交悵已遲急裝底事撤臯比佳晨黃菊曾

聯咏水署清樽許共持

余初識君於樹  
邨明府署中

兩地人傳

馴雉日一帆天遠涉江時他年好寄菰蘆信重看

牽絲陸浚儀

用韻留別容叅先生

劉欽

謙齋

班荆繼識又將離，幾處人猶說頂斯。  
燕市掉頭歸卧日，綿汾落照到門時。  
花分彭澤千秋韻，袖有河梁五字詩。  
此後思君若流水，江雲漠漠邈帆遲。

於藝歸自桂林却寄

七千里外喜初還，三載灘江鬢已斑。  
蟹戶人來誇翠羽，瘴鄉天遠問烏蠻。  
廖家丹井應堪汲，榕樹城門定可攀。  
羨爾歸帆湘水濶，猶能九面看衡山。

冬夜同於藝窻田話舊感賦二首

廿載聲塵杳莫追黃梁夢覺已多時那堪今夕西

窓下重聽邯鄲道上詩

時窻田誦邯鄲道中諸作

老去清歡好共追朔風簾外雪飛時一燈茗話蟬

聯久更愛君家小阮詩

施研農少尹餉青菓

嚴苦偏宜莧藿腸紅鹽落處正堪嘗愛他齒頰回  
餘味也抵延清雞舌香

范息園餉糟魚

風味乾鱸醉聯間多君相餉侑辛盤老饕自笑真

逾分未用沾沾議食單

李曉園餉水鮮

彈缺何當問鱸殘直沾霜雪致應難些些風味樽  
前在恰稱冰蔬苜蓿盤

張松晚餉黃柑

霜苞燦燦登梓日香霧濛濛嘿手時擬與春風明  
歲約同携斗酒聽黃鸝

家文字兄餉乳腐

幾轉還丹記磴床世傳淮南以丹藥點成別施鹽豉試新方

從茲秋藪冬蒞外留佐村沽味最長



蘭谷餉桃釀乳液

醞醪有如內法酒醞醑絕勝小天酥坐來泄泄融  
融處更欲呼兒進酪奴

范半邨明府餉冬笋海錯

便擬長鑿刷雪栽從渠煮簞漫相猜春風待看成  
林日鄭重還思冰署來

傳座方虞客絮羨恰教海錯試南烹只慚口腹還  
相累吟苦從嘲太瘦生

歲暮雜詩

臘鼓聲中春又至玉梅花底歲將除生來骨相真

寒乞呵凍還抄未了書

土牛桃梗漫經時到手屠蘇醉不辭却憶故人無

恙在

謂西郊

赫蹏除夕寄新詩

舌耕心織詎傷廉愛我徒勞効痛砭笑殺踈狂皇

甫澁潤毫剛許得雙縑

近有以雙縑酌余文者同人謂不宜受也賦此解嘲

煤逋酒債喧呶甚驅癘迎神鼓吹頻誰說先生無

一事哦詩聲亦聒比隣

醉中塗抹半欵斜識字無多莫浪誇身是貴郎君

任笑底須載酒有侯芭

磬弟梅兄鬥歲華蕭齋楮墨是生涯春頭臘尾閒

吟遍兩鬢清霜看又加

回首真教感慨增羣兒謗口詎堪憑卅年鑄鐵都  
成錯老去才思學摸稜

悔逐緇塵賦遠征掉頭歸卧獨含情世間萬事雲  
泥判那問乘車戴笠盟

摒擋巾箱辭舊歲安排几硯入新春應劉逝後風

流盡

謂帷圍田夫諸君子也

太息騷壇少替人

洄水經年雁字遙

時四弟寓居鄴下

謝家羣從漫相高閱

墻倘悔修微隙禦侮還終望汝曹

上口經書須講習到頭門戶要支持乃翁計畫真

癡絕擬和淵明責子詩

北風幾日又東風豈有文章可送窮最是經冬霜  
雪好愛從野老祝年豐

哭外舅素菴先生二首

凶耗驚聞值歲殘一時那禁涕洟瀾少微昨已悲

高士

時西郊歿

木稼今真禍達官

冬前凝霜封樹殆木稼也一時內外大僚

下世者六七十人

絕域班超難返關

公以方伯從事金川最久

故交貢禹

枉彈冠最憐觸暑追隨日

夏間隨侍都門

回首茫茫感百

端

無忌羣推有鼻風

公爲孫文定公甥

沙堤未築已成空半

生家計飄蓬似

時公眷屬尚留滯蜀中

末路功名吹蔗同

官公

監司幾三十年比

箕尾星應占傳說斗山人盡仰

韓公樗材別抱冰清感馬策西州恨莫窮

容丞詩集卷十八